

四庫全書

史部

欽定四庫全書

史部

河源紀畧卷一

首

詳校官監察御史臣王爾烈

刑部郎中臣許兆椿覆勘

纂修官工部主事臣王念孫

謄錄監生臣趙錫寶

乾隆四十七年七月十四日內閣奉

上諭今年春間豫省青龍崗漫口合龍未就遣大學士  
阿桂之子乾清門侍衛阿彌達前往青海務窮河源  
告祭

河神事竣復命並據按定南針繪圖具說呈覽據奏星  
宿海西南有一河名阿勒坦郭勒蒙古語阿勒坦即  
黃金郭勒即河也此河實係黃河上源其水色黃迴  
旋三百餘里穿入星宿海自此合流至貴德堡水色

全黃始名黃河又阿勒坦郭勒之西有巨石高數丈  
名阿勒坦噶達素齊老蒙古語噶達素北極星也齊  
老石也其崖壁黃赤色壁上為天池池中流泉噴涌  
醜為百道皆作金色入阿勒坦郭勒則真黃河之上  
源也其所奏河源頗為明晰從前康熙四十三年

皇祖命侍衛拉錫等往窮河源其時伊等但窮至星宿海  
即指為河源自彼回程復奏而未窮至阿勒坦郭勒  
之黃水尤未窮至阿勒坦噶達素齊老之真源是以

皇祖所降諭旨并

幾暇格物編星宿海一條亦但就拉錫等所奏以鄂敦他臘為河源也今既考詢明確較前更加詳晰因賦河源詩一篇敘述原委又因漢書河出昆侖之語考之於今昆侖當在回部中回部諸水皆東注蒲昌海即鹽澤也鹽澤之水入地伏流至青海始出而大河之水獨黃非昆侖之水伏地至此出而挾星宿海諸水為河瀆而何濟水三伏三見此亦一證因於河源詩

後復加按語為之決疑傳正嗣檢閱宋史河渠志有云河繞昆侖之南折而東復繞昆侖之北諸語夫昆侖大山也河安能繞其南又繞其北此不待辯而知其誣且昆侖在回部離此萬里誰能移此為青海之河源既又細閱康熙年間拉錫所具圖於貴德之西有三支河名昆都倫乃悟昆都倫者蒙古語謂橫也橫即支河之謂此元時舊名謂有三橫河入於河蓋蒙古以橫為昆都倫即回部所謂昆侖山者亦係橫

嶺而修書者不解其故遂牽青海之昆都倫河為回  
部之昆侖山耳既解其疑不可不詳誌因復著讀宋  
史河渠志一篇茲更檢元史地理志有河源附錄一  
卷內稱漢使張騫道西域見二水交流發蔥嶺匯鹽  
澤伏流千里至積石而再出其所言與朕蒲昌海即  
鹽澤之水入地伏流意頗合可見古人考證已有先  
得我心者按史記大宛傳云于闐之西水皆西流注  
西海其東水東流注鹽澤潛行地下其南則河源出

馬河注中國漢書西域傳于闐國條下所引亦同而說未詳盡張騫既至蒲昌海則或越過星宿海直至回部地方或回至星宿海而未尋至阿勒坦郭勒等處當日還奏必有奏牘或繪圖陳獻而司馬遷班固紀載弗為備詳始末僅以數語了事致後人無從考証此作史者之畧也然則武帝紀所云昆侖為河源本不悞特未詳伏流而出青海之阿勒坦噶達素而經星宿海為河源耳至元世祖時遣使窮河源亦但



言至青海之星宿海見有泉百餘泓便指謂河源而  
不言其上有阿勒坦噶達素之黃水又上有蒲昌海  
之伏流則仍屬得半而止朕從前為熱河考即言河  
源自蔥嶺以東之和闐葉爾羌諸水潴為蒲昌海即  
鹽澤蒙古語謂之羅布淖爾伏流地中復出為星宿  
海云云今覆閱史記漢書所記河源為之究極原委  
則張騫所窮正與今所考訂相合又豈可沒其探本  
討源之實乎所有兩漢迄今自正史以及各家河源

辨証諸書允宜通行校閱訂是正訛編輯河源紀畧  
一書著四庫館總裁督同總纂等悉心纂辦將御製  
河源詩文冠於卷端凡蒙古地名人名譯對漢音者  
均照改定正史詳晰校正無訛頒布刊刻並錄入四  
庫全書以昭傳信特諭欽此

御製河源詩

惟嶽曰有五惟瀆曰有四瀆河居一宏功贊

天地金隄護九曲邇年每有事

戊戌年儀封十六堡決口庚子年睢寧之郭家

渡考城之張家油房掣溜均在南岸昨

瓠子計已竭

靈源致虔祭因遣侍衛往

豫省青龍岡漫工因屢次合龍未就於本年二月內命大

學士阿桂之子乾清門侍衛阿彌達前往務窮河源告

祭河神事竣復命並據按定南針繪圖具說呈覽所奏

星宿海情形有舊圖未備之處星宿海蒙古語鄂敦淖爾鄂敦即星宿淖爾即海也星宿海有泉千百涌出俱

綠水惟西南一河名阿勒坦郭勒蒙古語阿勒坦即黃金郭勒即河也此河實係黃河上源其水色黃從東南

流更折而西北回旋三百餘里穿入星宿海因會諸綠水黃色微淡自此合流東下屈曲千七百餘里至貴德堡挾沙激浪水色全黃始名黃河向以星宿海諸泉為河源雖未窮至阿勒坦郭勒之上源而河由星宿海以行謂之源亦不窮源命必至歸來新圖呈舊圖稱未備致大相逕庭云

舊云星宿海便即河源是叶蒙古語鄂敦鄂敦星宿謂

此固非差訛然河其南寄因更向西行溯洄川益遽色

赤作黃金別流無敢厠詢以蒙古名曰阿

勒一字讀後仿兩字作

此坦郭勒

叶阿勒

坦謂黃金郭勒則河義更西得巨石

詢蒙古名字阿

勒

坦噶達素北極星名意

阿勒坦郭勒之西有

巨石高數丈亭亭獨立名阿勒坦噶達素齊老阿勒坦  
噶達素蒙古語北極星也齊老石也惟此一石峰其崖  
壁乃土作黃赤色更無草木壁上為天池池中流泉噴  
湧醜為百道皆作金色入阿勒坦郭勒實黃河真源也  
司水見道經不約今古契再上則赤壁壁端天池積

叶

醜泉作金色真源信無二山土胥金色更無林木翳東

南流折北屈注三百里

叶

穿星宿海東色微淡以易東

至貴德堡遂作純黃色

叶

向稱星宿源亦未大差致

集林云有人

未書  
其名

見婦浣紗異張騫支機石更述荆楚

記或列星宿海傳會傳奇偽統

天一所生軒圖旨早示考訂誌其詳惟顧

安瀾賜

按班固漢書張騫傳天子使窮河源其山多玉石采  
來天子按古圖書名河所出山曰昆侖云而固贊又  
謂騫使大夏之後窮河源惡觀所謂昆侖者乎故言  
九州山川尚書近之於是鄧展遂謂河源出於積石  
是皆拘墟未見顏色之言蓋千古以上中國以外記  
載已舛言語不通而欲定其確實何異北轅適越考

元史始有星宿海之名而以為河源元蒙古也鄂敦  
即星宿彼時訛譯為火敦則漢人不通蒙古語耳此  
為近之今則更溯以上遂得真源然昆侖之語亦不  
為無因蓋昆侖在今回部中回部諸水皆東注蒲昌  
海即鹽澤也鹽澤之水皆入地伏流至青海始出則  
星宿海諸水皆是也而大河之源獨黃色為靈異更  
在星宿海之上非昆侖之水伏地至此以出而挾星  
宿海諸水為河瀆而何濟水三伏三見此亦一證矣

獨漢書所云采玉則因昆侖出玉未免牽就詢之阿  
彌達則稱河源皆土山無石無石安能有玉夫非精  
通蒙古語及漢書更問之親履其地之人率欲定此  
事體大而地遠理博之事不亦甚難乎於甚難而得  
決疑傳正亦一大快也



御製河源簡明語

予既為河源詩並按語既讀宋史河渠志有文命輯河源紀畧有論茲以體大物博考今證古不無費辭雖彼此細勘事則明恐毫釐稍差義乃紊茲為簡明之語庶因提要而便覽蓋河源究以張騫所探蒲昌海鹽澤及漢武所定昆侖為是雖山海水經注皆畧具其說山海經劉歆稱伯益所著本無所據水經注則桑欽鄴道元皆張騫後人實祖其說而廣之以致于煩文且昆侖在回部原

出玉也獨未明揭伏流至青海于阿勒坦噶達素之天  
池而出耳歷唐宋以至元乃有鄂敦淖爾為河源之語  
鄂敦為蒙古語漢語即星宿海也彼時雖未考至天池  
而中國之河源實由此頗見梗概矣溯伏流以至蒲昌海鹽澤  
非河源而何星宿海亦鹽澤之伏流至青海而出為清水黃  
河挾之以流始為微淡後為純黃是二水本一源至中  
國出地為二色而終歸于一若夫曲折纖細則見近所  
為詩文及紀畧之書獨叙其簡明崖畧如此

河源紀畧凡例

一從來叙述河源率多失實蓋由於未經其地故附  
會傳聞今恭逢

神武耆定而聞見乃真又仰荷

聖訓昭垂而異同乃決實為千古未有之盛謹恭錄  
御製詩文為全書綱領併恭錄此次欽奉

諭旨弁冕簡端以誌緣起且以見是非折衷纂錄諸

臣

悉稟

審裁

一水道委曲非繪畫不明但輟耕錄所載舊圖疎舛殊甚今擬按

欽定西域圖志先列地圖一切開方分度務與測驗相符然後以河流所逕依道里方向繪入以揭全書之眉目其今地名擬用硃書古地名擬用墨書刻本內古地名加用圓圈以示分別庶使舊說之得失開卷釐然

一水道曼衍縱橫雖頗紛雜該以分合伏見四例足  
括大凡既繪圖以盡其詳更當立表以提其要今  
擬以河之分合伏見列為第一格以來會之水為  
第二格其隔一隔二隔三隔四來會者以次分格  
使旁行斜上網目相牽檢圖檢書尤易明其端緒  
一河之源流今所勘驗悉有確據與訛傳影射者迥  
殊必須敘述詳明始足祛疑傳信今擬立質實一  
門兼仿桑經鄭注之例以河所流逕標其地名方

隅為網而詳列其道里形勢為目務使曲折咸備  
使讀者有若目經

一古來考訂河源舛謬者十之七八其確有典據者  
亦偶逢十之二三未可槩為屏棄今擬立證古一  
門凡史漢以下迄於萬斯同胡渭諸書苟有一說  
可采者悉仿張鳳桂勝桂故之例標列原文而以  
今所實驗加案互證於下其某地即今某地亦一  
一申明

一羣言淆亂最易熒聽儒者株守舊聞尤多拘執必須詳為駁正始真妄分明今擬立辯訛一門凡舊說紕繆者亦標列原文逐條各加案語糾正其失庶諸家纂述可一一知其虛誣

一

聖朝削平西域崑崙月蝟悉隸版圖為開闢以來所未睹凡大河流逕之地或撻伐所經由或部族所聚處或沿波列戍或夾岸開屯均足為考鏡地理之

資今擬立紀事一門以著實有其地得以詳核之  
由其前代軼事確有可據者亦附見焉

一鄴道元注水經並博引遺文旁徵古蹟既資參考  
亦廣見聞今擬立雜錄一門凡諸書所載西域山  
川物產古蹟遺蹤在河流所經之地者悉分條臚  
載以備旁稽其傳訛傳會之詞亦附加訂正

一劉知幾作史通深明斷限此書既以河源為名則  
圖表及以上五門應均以在西域者為斷至流入



秦隴以後歷代遷徙之蹟自有治河各書詳晰記載無待贅陳

一譯語傳訛最為舛互河源所逕多有介在藩部聲音文字尤錯雜難稽今所用地名一以

欽定西域同文志為準或三合四合之字亦一一遵錄不用古來假借失真之音其志中所譯名義係何語即一一註於句下併可訂古籍音譯之訛



欽定四庫全書

史部十一

河源紀畧目錄

地理類四  
河渠之屬

卷首

上諭

御製詩文

凡例

卷一

圖說一

卷二

圖說二

卷三

圖說附

卷四

列表一

卷五

列表二

卷六

列表三

卷七

列表四

卷八

列表五

卷九

質實一

卷十

質實二

卷十一

質實三

卷十二

質實四

卷十三

質實五

卷十四

證古一

卷十五

證古二

卷十六

證古三

卷十七

證古四

卷十八

證古五

卷十九

證古六

卷二十

辨訛一

卷二十一

辨訛二



卷二十二

辨訛三

卷二十三

辨訛四

卷二十四

辨訛五

卷二十五

辨訛六

卷二十六

紀事一

卷二十七

紀事二

卷二十八

紀事三

卷二十九

紀事四

卷三十

紀事五

卷三十一

紀事六

卷三十二

雜錄一

卷三十三

雜錄二

卷三十四

雜錄三

卷三十五

雜錄四

欽定四庫全書

河源紀畧

提要

臣等謹案河源紀畧三十六卷乾隆四十七年奉

勅撰是年春以中州有事於河工

特命侍衛阿彌達祭告西寧河神因西湖河源繪

圖具

欽定四庫全書

提要

奏言星宿海西南三百餘里有阿勒坦郭勒水  
色獨黃又西有阿勒坦噶達素齊老流泉百  
道入阿勒坦郭勒是為黃河真源為自古探  
索所未及

皇上因考徵實驗參訂舊文

御製河源詩一章詳為訓釋系以

案語又

御製讀宋史河渠志一篇闡河出昆侖之實以正

從來之謠語復

命兵部侍郎臣紀昀大理寺卿臣陸錫熊等尋繹  
史傳旁稽衆說綜其向背定其是非輯為一  
書首冠以圖凡開方分度悉準

欽定輿圖而以河流所逕及諸水之潛通顯會者  
各依方隅繪畫以著其詳次列以表以分合  
伏見四例該水道之脈絡俾旁行斜上經緯  
相貫綱目相從以提其要次曰質實恭繹

聖祖仁皇帝聖諭以岡底斯尼瑪伊岡里阿林為天  
下山水之祖實古之崑崙案

欽定輿圖自岡底斯至羅布淖爾再伏為一卷自  
羅布淖爾伏流一千三百里為一卷自阿勒  
坦噶達素齊老重源再發至積石關逕蘭州  
府北為一卷兼仿水經及酈道元注之例旁  
支正幹一一疏通證明次曰證古凡載籍所  
陳與今所履勘相符者並條列原文各加案



語以互相參定次曰辨譌凡舊說之紕繆亦  
條列原文各為糾駁以祛惑釋疑次曰紀事  
凡撻伐所經部族所聚職貢所通及開屯列  
戍與靈源相值者一一臚載其前代軼聞亦  
以數附見次曰襍錄凡名山古蹟物產土風  
介在洪流左右者皆博采遺文以旁資稽核  
而恭錄

御製詩文弁冕全書用以挈綱領定權衡焉考自

古談河源者或以為在西域或以為在吐蕃  
各持一說紛如聚訟莫能得所折衷推索其  
由大抵所記之真妄由其地之能至不能至  
所考之疎密由其時之求詳不求詳山海經  
稱禹命豎亥步自東極至於西極紀其億選  
之數其事不見於經傳見經傳者惟導和積  
石灼為禹迹所至而已故禹本紀諸書言河  
源弗詳儒者亦不以為信漢通西域張騫僅

得其梗概以三十六國不入版圖故也元世  
祖時嘗遣篤什窮探乃僅止星宿海而止不  
知有阿勒坦郭勒之黃水又不知有鹽澤之  
伏流豈非以開國之初倥傯草創不能事事  
責其實故雖能至其地而考之終未審歟我  
國家重熙累洽荒憬咸歸

聖祖仁皇帝平定西藏黃圖括地已奄有昆侖我

皇上七德昭宣

天弧耆定天山兩道拓地二萬餘里西通濛汜悉主  
悉臣月蝟以東皆我疆索星輅虎節絡繹往  
來如在戶闥之內與張騫之轉徙絕域潛行  
竊睨畧得彷彿者其勢迴殊且自

臨御以來無逸永年恒久不已

乾行彌健

睿照無遺所綜核者無一事不得其真所任使者  
亦無一人敢飾以偽與駕什之探尋未竟遽

顓頊報命者更復迴異是以能沿溯真源祛  
除謬說

親加釐定勒為一帙以昭示無窮臣等載筆之餘  
仰頌

聖功之無遠弗届又仰頌

聖鑒之無微弗周也乾隆四十九年七月恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

河源紀畧

圖說

臣等謹案地理非圖不明大河源流自古人跡罕至漢書稱武帝按古圖書名河所出山曰崑侖者已佚不可睹其圖之傳於今者篤什所述十僅得其四五陶宗儀之所摹又僅得篤什之四五近時歐羅巴人作坤輿圖說編繪五大人州而紀黃河

者僅寥寥數語豈非皆傳聞未確之故歟洪惟

聖朝畝章式廓

聖祖仁皇帝肇命臣工攜挈儀器遍歷區域測量分數以  
極星出地高下定南北相距之數以中星偏東偏  
西定東西相望之實周天三百六十度當大地七  
萬二千里其中山川脈絡形勢燦陳繪畫具備我  
皇上德威遠邇準夷回部相繼蕩平拓地二萬餘里昔  
所詳諮博考而得者



申命有司履循絜度繪入輿地全圖西濛東瀛廣輪無  
外於是大河源流一曲一直披圖指點均可得其  
出某山行某地分某派合某支之實至有古書所  
未陳往圖所不載如伏流孔道阿勒坦真源者證  
以

欽定輿圖瞭若指掌洵乎億萬禩之標準也

臣

等謹循

畫方分度之體繪為河源全圖一圖所不能盡者  
析為數圖各系以說自古縱橫輳輳之論質以今

圖不辯而知其得失並取往籍可圖者自漢書至  
元使窮源舊圖附載於後


河


源

全

圖







四十四 四十三 四十二 四十一 四十 三十九 三十八 三十七 三十六 三十五 三十四 三十三 三十二 三十一 三十 二十九 二十八 二十七 二十六 二十五 二十四 二十三 二十二 二十一 二十 十九 十八 十七 十六 十五 十四 十三 十二 十一 十 九 八 七 六 五 四 三 二 一



據極極三千一度至千度  
其在和蘭南者皆係  
同族斯支家連至今  
以限於不備併三度作  
一度畫之





河源全圖說

繪輿圖者必區分細目而後可析其條理亦必統括全形而後可絜其綱維禹貢九州散叙諸流而必以導山導水兩章總述其次第始末即是意也大河源遠而流長自蔥嶺和闐以至於入秦隴邊境所逕歷蓋數千里其發源之山支絡連綿自岡底斯呢瑪伊斜亘蔥嶺亦袤延一二千里中間山與山鉤帶水與水貫通山與水又互相經緯既非

僅繪一隅所可明且山有斷續水有伏見形不屬而脈相屬者尤必臚列全局始顛末釐然謹依

欽定輿圖自回部西南方流至鹽澤由安西州入青海抵河州詳悉繪畫上稽星度下列土方每方一度相去二百里方向曲直確切可據豈為考訂必求詳核哉茲自康熙間戡定西藏


聖祖仁皇帝諭為岡底斯為衆山水之根其地與回部和闐相接則昆侖正脈先入版圖雍正間廓清西海

河源重發之區盡歸列戍開屯之內我

皇上平定準噶爾回部疆里西域一視侯甸如是由蔥  
嶺和闐伏羅布淖爾重發阿勒坦郭勒大荒以外  
潛見不常之靈蹟一一近在戶闥折衷訂誤得以  
詳昔人所未詳云



蔥嶺河源圖









蔥嶺河源圖說

河源總發西域西域山之極偏西者莫大於蔥嶺  
蓋山脈延亘自僧格喀巴布山分支西驚由齊齊  
克里克嶺特拉克嶺經喀什塔什嶺和斯魯克嶺  
而北折經吉布察克三喀克善諸山皆得以蔥嶺  
名之自此東行為天山正幹山脈所入其諸山之  
水隨地而發羣支散衍總歸大河其大源有二喀  
什噶爾河發源最遠葉爾羌河與和闐鄰接俱東

行與和闐河會源流廣大視和闐數倍過之蓋和  
闐兩岸地多沙磧水或湮滲不流而蔥嶺之水源  
委數十里或分或合不滲於沙不隔於嶺自古數  
河源者必曰蔥嶺以是故也蔥嶺西方所出諸水  
或入於達里岡阿鄂謨或滙於騰吉斯鄂謨皆以  
西海為歸墟水經注所述入雷耨海諸水自在蔥  
嶺之外今裁以斷限一遵

欽定輿圖詳考二源發跡之地經由之墟並以地勢相

近附入阿克蘇源繪蔥嶺河源圖而述其形勢之  
大概如右



和

闐

河

源

圖



阿克蘇界

哈拉塔  
爾博什  
里克

爾博什

客什噶  
爾必拉

葉雨兼  
必拉

唱巴克阿  
克集

克集

和蘭

喀什噶爾界

厄格爾雅爾

阮經南

伊斯 庫爾 渾爾

15

葉爾美界

皮雅爾瑪



无

梅阿拉枯

品名

五

士子

金剛合什和開

和蘭

10

五虎合休

尼蟬依阿林

尼維休阿林

巴漢

拉布齊達

光緒二十三年





和闐河源圖說

漢書及水經皆言河水源出蔥嶺一源出于闐蓋  
出蔥嶺者為正源出于闐者為旁源其形勢然也  
今考和闐共六城其哈拉哈什玉隴哈什二城水  
為河水分見之源行至厄格爾雅爾而合東北行  
共千一百里始會蔥嶺諸山西來之水其左右如  
都瓦城三珠城額里齊城塔克城諸水自流自止  
不顯與和闐河會蓋砂磧間之實亦和闐之旁源

茲並遵

欽定輿圖繪列於右

北  
幽  
河  
源  
圖

土爾番界



哈流阿濟爾哈西爾

羅布淖爾界


塔里木  
大河

伊犁界

漢  
條哈達色

河源紀畧

十六



欽定四庫全書

卷一

北山河源圖說

西域北山即古天山亦稱折羅漫山東西六千里  
中以此山為北障其南境水無不入大河考今考  
蒲昌海以西所受北之水有有四大源最西為阿  
爾蘇河會烏什水南流會於蔥嶺和闐河交匯處  
其詳已見前圖其一為庫車河四源合流流至沙  
雅爾城南入河水其一瑪巴赫色爾庫爾水自渚  
不流與河水相望隔數十里蓋狀流而入河水者


也其最東為海都河挾四源出衆山之口緒為淖爾溢出南入大河蓋古金山西麓水山海經稱敦薨之山敦薨之水出焉西流注於泐澤出於崑崙之東北隅實為河源即指斯水蓋天山南麓約以四源而海都河為最盛故山海經亦以河源稱之所謂傳人異詞僅得其近似者也惟我

皇朝天山南北盡隸職方諸水所經皆有城郭自烏什阿克蘇拜城賽喇木庫車哈喇沙爾至吉爾森呢



木諸城耕屯井牧不殊內地皆藉河水為灌溉分  
合脈絡一一可稽謹遵

欽定輿圖繪北山河源圖並詳著其從出之源會合之  
處如右



欽定四庫全書

卷一

欽定四庫全書

史部

河源紀畧卷二

三

詳校官監察御史臣王爾烈


刑部郎中臣許兆椿覆勘

纂修官編修臣

吳省蘭


謄錄舉人臣


解會心



廂

圖







羅布淖爾圖說

羅布淖爾為西域河水之總彙計自蔥嶺之東嘉  
峪關之西天山之陽南山之陰縱廣七八千里稽  
其大勢一涓一滴咸於是匯歸即古之蒲昌海也  
唐杜佑疑蒲昌海為西域自行自止之水不與積  
石河通今考羅布淖爾北近天山南則東以沙磧  
諸峯其西方為大河衆源來處東境又為伏流來  
赴之水合稽西域地勢無有下於是者故西域支



流別派亦無有不歸於是者至於涉厯冬夏不減不盈則以其沙道潛通有洩有受其蹟似異而其故可以理推杜佑或者之未審也淖爾北倚天山支峯南有魯齊圖達巴漢其旁衆池駢列為圓池為方橢池為鄂爾溝海圖水巴哈噶遜水弩齊圖色欽水錯居環繞燦然亦如星宿論者謂其肖形成象與鄂敦他臘諸泉祖孫一氣信不誣也水經注稱其洄湍電轉為隱淪之脈可以證伏流矣謹

按

欽定輿圖繪羅布淖爾圖庶幾靈源昭晰一洗前人疑

古之論云



希

渾

爾

東

境

北


路

諸

宋







和爾郭斯達巴

魯克特

布拉克

克

康和羅

漢和羅

康和羅

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

塔里

羅布淖爾

瑪海戈壁

哈喇沙爾界

河源紀里



羅布淖爾東境北路諸泉圖說

羅布淖爾東境之北為托克三土爾番闡展哈密  
諸地水皆出北山南麓或稱交河或稱南湖泉流  
散濶自行自止諸土依之以為聚落伊古以來未  
有言其歸向者今以西域地勢考之天山正脊自  
和爾郭斯嶺東行至塔什嶺折而南為必柳嶺迤  
南過嘉峪關又南為巴彥山轉西為安西州南境  
大山其山形聯屬包絡無間斷故安西州南山亦



名天山以其一體相屬也天山之派既已東出南折以屬於安西則其中包畜諸山勢亦必西向歸於羅布淖爾特流沙間阻其最北者為伊爾瑚瑪沙其近南者為噶順沙千里泉流遇沙潛伏雖無顯然奔赴之蹟要不容區而別之於大河外也今遵


欽定輿圖詳列諸水發源之方並次第其因沙伏流之實因端竟委繪為羅布淖爾北路諸泉圖衆水不

同總以出天山南麓者為斷用以補往籍之未備  
焉



羅希淖爾東南

方伏淶沙磧圖



開展界

甘肅開化縣

維布  
潭爾

布庫

布庫

察罕得勒蘇

烏蘭托羅海

察罕得勒蘇

瑪瑙戈壁

烏蘭托羅海

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

察罕得勒蘇

和蘭東沙

碩界

拉藏界

河源紀里

十



羅布淖爾東南方伏流沙磧圖說

羅布淖爾東南方古鄯善樓蘭精絕且末諸國地也唐人稱為莫賀延磧尾兩崖排亘諸沙委積祁連山西出支峯迤邐包絡於其左和闐東來第三重大嶂錫津烏蘭托羅海諸山盤礴屹峙於其右山根崖腳交互穿插具有繚曲徃復之致故自羅布淖爾伏流以致阿勒坦郭勒重發之處測其逕度約一千五百里若以伏流隨山曲折東西激盪



當不止二千里而贏昔人疑鹽澤之水散入沙磧  
蓋束以諸山導以諸沙凝蓄潛流似散而非散也  
故自噶順淖爾察罕得勒蘇水察罕托輝水以至  
庫庫塞水諸泉仰發不一而足其最大者達布遜  
淖爾一支西北望鹽澤八九百里東南抵青海地  
止隔一嶺相去僅三十餘里兩端分瀦曾無間斷  
又如舒合必拉庫庫塞水兩泉並發相去僅三十  
里一則由古爾班洮賴地東南流而伏一則由烏

蘭得錫地西北流而伏縱橫相左要皆伏流仰出  
之泉蹤跡顯著者也謹依

欽定輿圖繪諸沙中兩崖斷續衆泉伏汎之跡以著大  
河流入青海之孔道云



阿勒坦郭勒重源圖

庫庫淖爾界

積石山界







阿勒坦郭勒重源圖說

爾雅載河出崑崙虛色白所渠並千七百一川色黃蓋以域內衆水有青赤白黑之殊色而大河獨以黃著故為之疏通其義使不得混於他水今考回部河水所受經流支川無慮千數汨漱沙壤所謂渠并者在西域已居大半矣從來水潛地底側出仰流無不臧然澄清獨阿勒坦郭勒噶達素齊老之水伏流初見輒作黃金色因而以黃金名之



豈非大河靈瀆雖伏地千里而仍不改其本性者  
乎唐人始有栢海星宿川之目元人窮源至星宿  
海皆未識阿勒坦真源惟我

聖朝疆理西極殊域一家自崑崙以下既已盡載圖經  
皇上命使窮源自鄂敦他臘而西更三百里歷古亘今  
所未能窮見者於是乎盡發其蘊興伏讀

御製河源詩云色赤作黃金別流無敢廁大河真源昭  
然如發蒙矣乃知諸家誤會禹貢導河之文謂河

源出積石山皆拘墟之見不足信也其水自阿勒  
坦郭勒穿入鄂敦他臘潄為扎凌鄂凌兩淖爾東  
南流出未至積石山已近千里恭秉


睿訓按諸

欽定輿圖合以侍衛阿彌達所進新圖詳考阿勒坦黃  
水真源並條次左右諸山形勢及衆泉之交注者  
悉載諸圖以證河源重發之真蹟

--	--	--	--	--	--	--	--

河流積石  
函南會

三  
鼠  
都  
倫  
河  
圖




庫庫  
淖爾  
界

底衛  
塞多  
克阿林

鄂敦他臘界

河源紀畧

十八





河流積石山南會三昆都倫河圖說

元使窮河源至鄂敦他臘而止不知其西有阿勒  
坦之黃水已為失實其尤舛者以朶甘思東北鄙  
有大雪山名亦耳麻不莫刺譯言騰乞里塔指為  
崑崙自河源至崑崙已行三十日程河繞其三面  
則是崑崙為河所經由之地而非源矣宋史河渠  
志仍之與傳所紀齟齬不合數百年以來即有心  
知其誤而莫知所以致誤之由我



皇上燭幾鑑古洞照如神

披覽侍衛拉錫舊所具河源圖貴德之西有三昆都倫  
河入河水

謂蒙古語以橫為昆都倫河之橫者為昆都倫山之橫  
者亦為昆都倫彼崑崙亦以橫山延亘得名說者  
不察遂因三河之名附會而誤復

御製讀宋史河渠志文而千古之疑始決今考大雪山  
之南有得特昆都倫得特蒙古語謂上也有都木

達都昆都倫都木達都蒙古語謂中道也有道喇  
昆都倫道喇蒙古語謂下也大河從西方來三昆  
都倫河自東南橫入之以其形勢相並故有上中  
下之稱皆在河南與北岸之大雪山不可淆混正  
昆都倫之稱而阿木奈瑪勒占木遜阿林不容妄  
名為昆侖也明矣茲敬遵

聖諭繪三昆都倫河入河之蹟以著宋元史相承之謬




河凍繞積石山三

面至賢德堡圖



庫庫淖爾界



鄂敦他臘界



河流繞積石山三面至貴德圖說

禹貢導河自積石言治水施功之始非謂河源山海經水經注言河源重發於積石則舉青海境大山以包舉諸地言積石而星宿海亦在其中也積石山今之阿木奈瑪勒占木遜阿林山形蟠屈數百里巍嵒高聳為通境之望其山脈自祁連山南出至拉布拉克達巴漢特們胡珠達巴漢迤邐而東為托灰哈達阿林巴哈圖爾根阿林哈爾吉布



達巴漢諸山隨處異名其實皆積石之一體也大  
河自西方流繞其南合三昆都倫河折而北而轉  
西繞其東北境與庫庫淖爾相望蓋環積石三面  
一千三百餘里茲謹遵

御製讀宋史河渠志文正大雪山之非昆侖並遵

御批通鑑輯覽證明其為禹貢之積石山山川道里形  
勢方向昭然明晰無可置疑大河自此東北折由  
溫泉邊入貴德堡衆流漸濁復其本性始名黃河

今並繪河繞積石山三面經貴德堡圖以著河源之全局蓋自崑崙正源青海重源再伏再見至此始名黃河其自河州以東經朔方入山西陝西界歷河南江南入海經流曲折並詳於各家地志茲不具圖云



庫

庫

淖

爾

圖


西寧界

河州界

甘州界

大河

積石山



安西州界

肅州界

鄂敦他臘界





庫庫淖爾圖說

庫庫淖爾古稱西海亦稱鮮水亦稱卑禾羌海在  
大雪山之北肅州安西州之南旁列羣峯中環巨  
浸包納支流為地周圍千餘里其水不與西域通  
亦不流注河水然西北一隅正與哈拉淖爾諸水  
如衣馬爾山長馬山諸源鄰接其西南一隅阿穆  
呢色爾沁地與河水東折之處相望纔數十里是  
即大河旁源瀦流不洩者也蓋河源全境由本達



未縈帶萬里蔥嶺交流總滙於羅布淖爾積石重  
源又旁瀦於是地均伏流潛會靈蹤與跡古人不  
得盡窺恭讀

聖製有云濟水三伏三見亦其明證

化工肖物照然揭全河之形勢矣青海地水波瑩徹土  
膏肥衍自古羌戎雜處羈縻而已自我

世宗憲皇帝廓清其境開列堡戍是牧是耕環河流數千  
里悉以青海部名之庫庫淖爾既與河源鄰接則

與西北流出之居延海休屠澤諸水隔絕河水者  
迥乎不同允宜列入河源紀載茲依

欽定輿圖按稽地勢於全境中摘其瀦流與大河相望  
者繪庫庫淖爾圖用資考鏡焉

